

四庫全書

集部

欽定四庫全書

雲林集卷四

元貢奎撰

雨中

陋巷雨連日思家心惱然故交歸欲盡薄宦愧猶牽宦
暗爐烟繞簷低樹色連黃花近時節采采向人妍

瘦馬朝倦出空齋閒展書古人三歎遠舊業十年疎白
水坐垂釣青山歸荷鋤樵漁應亦笑久客意何如

題侯氏竹溪

溪上碧琅玕蕭然三數竿清陰元自足直節本難干境
靜吟風雨天寒宿鳳鸞稍閒湏徑詣涼坐玩文瀾

靈芝

枯樹斜鄰宅靈芝忽見房雲香呈五朵霞暉照羣芳莖
捧金盤直叢分錦蓋張休歌商叟曲爲報世禎祥

題申氏二老圖

門多陰隲在世好頗相殊紅粟千家飯蒼松二老圖旦

評鄉里譽壽宴子孫娛有感先朝事珍題畫舊儒

題遺安堂

負郭畝鍾田躬耕卒歲年遺安千載計教子一經傳莫忘名堂意應希肯構賢襄陽耆舊遠風俗尚依然

贈桑梓山

見面如曾識論交未厭貧何須詩泣鬼政有藥通神濟世憐多術爲儒笑誤身莫忘相別處同棹浙江春

送劉道夫

西巒松篁路雪消沙水清天寒行役倦酒醒別愁生落
日橫車影長雲送鴈聲梅花應未發留待照春晴

贈別友人

夕陽羸馬去岡轉路頻遞雲斷山浮雨溪清水見沙夢
魂隨酒醒離思帶程賒知已應相遇臨岐莫重嗟

秋日陪集賢學士趙公敬夫憇龍山玄真宮

山轉疑無地人家近隔村野田秋穫闊岡路晚行喧川
淨雲生石溪平水到門偶尋高士隱相見遂忘言

城南即事

偶出城南去長郊華亂開春陰雲貼水日暮客登臺擾擾誰知已寥寥自感懷家書幾時發妻子勸歸來

舊識經年別相逢鬢駭絲況經寒食至偏重故鄉思薄業應多廢微官漸可辭東家曾屢到痛飲是吾師

和鄭義山韻

自笑謀身拙相逢客歲寒江湖猶泛梗日月奈飛丸凍雪封堦合微燈照影單鄉愁千萬斛消得酒盃寬

慶壽堂

為李子威狀元賦

聖代斯文盛天和萃慶門雙親開八袞五世見諸孫家
訓稱朝野科名列弟昆積深端食報陰隲更何論

太平慶人瑞尚德在鄉間喜報泥金帖新迴皂蓋車斑
衣堪入畫青史可傳書會見申公召臨軒趣賜輿

贈蕭南翁

羨子年華盛名隨德共馨遊心元化始勉力聖人經妙
契參無盡多憂愧有形百年先覺少翹首嘆晨星

題李氏奉親堂

高堂奉慈母如在畫圖間七表兩兒健諸孫五世環鸞
迎封誥紫花簇綵衣斑盛事承平日王風政有關

贈孔令尹

百里光山遠三年縣令賢人皆思舊德我欲賦新田綠
霧桑浮野黃雲稻際天風流笑潘岳空作種花傳

京城東嶽廟落成詩簡吳宗師

尊嶽開新廟高承萬雉翔寶花嚴像設玉燭曜龍光野

潤春浮靄齋嚴午積香真人端即見衛道豈微茫

高士何年契虛堂竟日留老慙今日會狂憶向時遊種

樹供樓鶴開池待狎鷗蜃居真可隱江海漫乘舟

題馮少府墓誌銘後

世傳馮少府儒服動軍門陰德垂千載仁人重一言科
名今有子家慶後多孫秉筆論知己蒼珉刻永存

試院次韻答吳草廬先生

慙客留應喜徵官去恨遲竹高當戶直花重向簾垂對

酒驚人別看詩感歲移山中有幽事猿鶴舊曾期

重棘門深鎖憑高獨見天舊銜疑直院新夢似歸船得士能忠國離家豈計年憐君遂高蹈長伴白雲眠

次張太玄韻送王秀才

宵漢佩環聲驟鸞上玉京十年嗟面識重會覺心驚采藥誰知者吟詩太瘦生乘槎有星使應欲問君平

陽墅道中

馬上千峯列溪行不盡源野船高似屋山縣小如村路

繞田間曲池漫雨後渾靜來應最樂綠樹擁柴門
風雨山頭路傷懷無已時百年阡表石萬古路人碑老
退應無補交游政有期不堪聞杜宇啼血向人悲

燈花

今夕離家遠燈花儘意開綠烟浮小暉紅焰落輕煤影
照頻占喜心挑莫見猜遙知兒女坐歡笑對銀臺

贈薛玄卿

轉眼三年別驚心萬里賒風塵顏自玉江海氣如霞坐

定谷雲出吟成山月斜蓬萊清淺處一笑問仙槎

即事

小雨春寒重吳蠶上箔遲枕欹清夢覺窓掩綠陰垂喜
聽林鴉哺閒看垤蟻移相思故人遠誰與話心期

憶昔

晴憶曾遊地遙看不盡天宿雲連野樹積雨聚溪船故
友疎三益微官負十年閒居成癖性長日枕書眠

次韻吳養浩

三茅舊遊處別久會連朝江上玄暉句雲間子晉蕭欲尋高士隱却受可人招握手何時再天涯路正遙

和戴剡源同史憲使遊三天洞七首

繡衣窮勝事風日澹行舟灘淺水聲急山高雲氣浮清遊謝塵鞅笑語緩觥籌此趣誰應識浮生易轉頭

水淺難通棹山深更可人樵蘇落日外漁釣短溪濱勝景行無盡吟翁句有神仙家占幽處花竹自爲鄰樹合連峯影苔棲滿壁詩山風潛入戶泉竇暗通池市

遠僧歸晚園荒鳥下遲登臨有真趣幽事儘寬期

洞底天無闊多應禹鑿開海聲通屈曲石汙洗塵埃欲
探巖崖去空令杖履迴無端僧占住多少後人來

古寺何年建高低屋亂巢老松擎雨蓋脩竹拂雲梢石
壓泉聲伏山迴龍勢包追隨記今日照影俯池坳

秋晚瓜垂實茲山獨產渠班痕新露染素質舊封除品
貴仙人種香分貢篚餘辛勤愧園戶聊得罷追胥

萬仞崖前石悠悠老歲年攢峯晴擁翠飛瀑夜聞絃佛

像蒼苔蝕庭階碧蔓牽遊人未忍去歸馬更追鞭

寄呈東岩存心南湖諸叔父九萬履道二兄仲遠

仲弼君直三弟兼示師文師仁二姪

浮世悲生事荒城度歲華空令魂作夢已認客為家月
照竹林影風吹荆樹花闊情到杯酒應是說天涯

江中遇雨

細雨寒江暝蓬窓著句哦興隨山色盡愁寄橹聲多散
帙慵開眼披簾不挂蓑關情還及物飛燕避淘河

同朱克齋蔣教授遊大梵寺 四首

數畝林塘迥危城下百層客游偏得地寺靜不逢僧隔
岸連商舶重門鎖佛燈愁來詩興短迴首暮烟凝

遠客閒無計微官欲賦歸偶尋幽寺去頗覺俗情非潤
澤饑鷹戀高空獨鴈飛西風如有意向晚襲人衣

梅竹野人家橫塘跨古槎日斜鳴遠犢風急亂棲鴉細
路妨行轍高樓促怨笳感懷無盡景流恨到天涯

香火昭明祀江山杜牧詩遺風留此地勝槩只當時白

褪溪梅盡青歸岸柳遲長官多政事春向筆端知

再和前韻

春晴時縱目山水碧成層閒似居家日真爲有髮僧傍
溪尋短艇訪寺問傳燈小謝題詩處餘霞晚自凝

喬木蒼烟合清江旅鴈歸功名遺史在城郭昔人非家
遠書猶隔春陰絮欲飛綺塵空滿眼終日到征衣

清溪盤百曲虹影駕橫槎春事怨行客夕陽啼亂鴉山
明分衆木天闊散悲笳却羨僧家勝推窓瞰天涯

遨遊窮樂事橫寫得新詩古寺看山後微風到竹時地
幽塵不到人語燕歸遲向晚寒猶峭惟應客袖知

湖中

片雲將雨過風急滯船行秋水岸無際夕陽山自明沙
平征鴈落波靜宿鷗輕滿目蓬窓興窮吟獨未成

雨窓

默默緘情素瀟瀟聽雨聲空軒盡日坐斷徑少人行家
遠衣誰寄爐寒火細明與君同晚况相對數歸程

贈茅山酈道士并寄梁中砥

之子三年隔重來慰我思琴書忘坐久猿鶴怨歸遲細說山中景應多別後詩相期事幽討爲報故人知

德清道中

驟雨洗退熱好風分得涼客投吳地遠水落楚江長孤鶩明秋色疎帆漏夕陽徃年曾泊此衰柳認河梁

十里沿溪路行人到晚稀山深藏市小風急送船歸紅樹滄波闊青雲白鳥微平生謀隱處頗覺願相違

題傅弘中道士山房

憶昔相逢日燕山風雪間喜同今日會坐對小窓閒雨
洗疎篁淨雲隨倦鳥還憐君垂綠髮笑我鬚毛斑

最愛玄房邃東邊近樂全松筠城似野風雨日如年道
味嘗新茗交情感舊篇登樓近山色雙壁映蒼然

出宣州馬上偶成

落日東城宴盡長送客遲石橋分別處山路向高時強
出思閒退新涼覺病衰虛名真一笑翻被白鷗疑

題徐仲車祠

前朝徐節孝祠廟鎮淮濱典教昔何久遺風今尚淳慰
思嗟公士沒祭在斯人名迹終千古憐君爲作新

居庸關蚤行

茅屋聞雞起羸驂並轡行澗深孤碓響山暗數燈明細
憶昔題處空慚不棄名客愁偏切耳斜月候蟲鳴

槍竿嶺

薄宦辭家遠經秋未得歸直隨山北去却背鴈南飛川

淨白雲起郊平紅樹微憶曾留宿處立馬認還非

李陵臺

赴死寧無勇偷生政有爲事疑家已滅身辱義何虧漢
網千年密河梁五字悲荒寒迷宿草欲問意誰知

發通州

時同袁伯長危功遠南歸

出郭別殊苦登舟情已遷天垂雲似水家遠日如年風
帽難隨俗溪羹頗飫鮮樵蘇歸欲盡吟斷夕陽邊
忝宦真成拙爲儒已悞非蠹魚生死計鷗鳥去留機傾

益經年樂同舟萬里歸最憐遊子袖獵獵泛春暉

次韻袁伯長舟中襍書

五首

百里長堤上龍恣夏木清山雲含雨重溟浪挾風輕弱質辭官責歸心數驛程江湖眼前闊點點白鷗明

憶昔相逢日維舟夕樹邊岸花飛別酒江鴈落鳴絃夢斷三年客雲分萬里天因君共行役撫卷重悽然

野艇翰花住溪亭貰酒釀愁驚歸去夢瘦怯病來容水落聲如雨雲生勢作峰同懷有佳句欲和愧疎慵

漸老慚何益扁舟稍浣塵貼雲鷹翅間浮日草光勻坐
惻民風歎行甘客計貧遙知故園竹新綠半成筠
斜陽衆峰出圖盡隱天機野騎迎初月沙鷗度遠霏助
吟清景駐延坐綠陰肥杳杳浮生役相逢一衲衣

宿三閭

小市人家簇扁舟晚色清山迴傾地勢闡險着溝聲岸
石篤存迹溪風樹引情明朝順流去萬里眼初明

濟州

舊濟知何處新城久作州危橋通去驛高堰裏行舟市
雜荆吳客河分兗泗流人烟多似簇聒耳厭喧啾

濟州寄張子仁監丞

千里舟行處聞君惠愛多廉垂民化俗碶築水分河示
罰蒲爲辱憐貧藥救瘥無因一相見爲問意如何

雙溝阻風

高城猶在眼野岸獨徘徊遮日帆無盡衝風棹未開莫
嗟河水逝却喜海潮來暗數程逾遠難忘是酒盃

清河

溪碧石生處山青雲起時
藕花紅映岸藤蔓翠牽籬落
日漁家網微風酒市旗順流船漸急
翻覺去心遲

彭城夜泊

今夜彭城月樓頭又許高故鄉千里別
浮世百年勞酒力消殘夢詩懷起舊豪
西風稻粱鴈江海去嗷嗷

萬古文章在城高月滿樓坐來重感舊
老去復經遊身世真成夢英雄總是愁
數聲漁笛起吹散白蘋洲

即事

天際微風起。征帆點點分。水鷗閒趁偶。林鹿暖成羣。野
景情偏逸。鄉音耳漸聞。著書端有志。歸住故山雲。

真州

一雨淮南霽。新城喜暫登。江平流浩浩。山遠路層層。大
舶連檣發。高樓列檻凭。北居殊覺久。眼畏火雲蒸。

雨後

雨壓飛紅盡。晴開衆綠明。山堂簾幕靜。巢燕羽毛輕。習

懶忘春事相思數客程虎林多物色何日賦予行

朝發宣城

夜宿宛溪月朝行姑水雲征帆一葉小古渡二洲分索
景詩難盡澆愁酒半醺吳江天日冷楓落正紛紛

和銅官即事韻

寒夜江行險推篙逐去舟人烟荒渡口雲浪暝磯頭細
雨明殘燭單衾擁弊裘淒涼那可愛又聽櫓聲柔

郊行三首

雙溪溪上路重到五年遲桑柘成陰處鶯花向老時泊
舟隨岸曲坐石看雲移政愛沙鷗狎驚飛底見疑
樹末炊烟綠人家住澗西風輕鶯語滑泥重燕飛低病
渴憐新釀閒吟憶舊題小莊蠶最熟喜欲報山妻

野野通幽徑肩輿駐午涼石楠雲護影籬蔓雪浮香地
僻疑忘世民淳喜饋漿微名何足戀投老儘徜徉

題仇氏先蹟卷

燕山故家盛此老獨稱賢規矩諸孫在詞章再世傳過

庭知舊學開卷憶當年祖硯應同久清朝備史編

和馬伯庸學士送史正翁赴嘉興幕官

春日思家切那堪送客歸自憐身似紮却羨羽能飛麥
隴青鳩閑花洲紫鯈肥登臨多暇日應報訟門稀

送歐陽南訪程雪樓承旨

每憶滄江別春雲午未開舟分南北去人約夏秋來會
面踰時久驚心若夢迴高樓歌白雪有意定憐才

楊仲舉經歷母氏貞節詩

堅守婦全德自嗟人未亡節門高寓里蓮幕貴賢郎九
袞庭闈訓千年簡冊光白頭空愛日霜木政蒼蒼

和張疇齋養花詩

書屋閒觀物益華已報春月來清影亂風至暗香新灌
溉能探性封培自養神妙勝方士術巧奪美人真時許
幽朋至怡然領化鈞

寄題西軒種竹

手種數竿玉冷然冰雪清笙竽響簫瑟龍鳳舞縱橫日

午屯雲影夜涼節月明生人端有趣不負此君盟

夏熱

坐苦幽燕熱居同楚越時睡多情似醉汗浹氣如炊悵
劇蚊蠅惱閑惟燕雀知憑高憐晚眺常與白雲期

輓丘君澤

故老晨星少交情舊日思衣冠吾黨重文學里人師世
路忘心境秋風老鬢絲南陵古離別誰繼謫仙辭

輓潘月梧

兀兀窮年學寥寥曠世才門閑垂五柳庭靜暗三槐同
谷歌空怨稽山棹已回交遊思我父無復共銜杯

文章今寂寞丘壑自婆娑志遂休官榮名高取士科新
墳原上草往事夢中柯空掩揚雄宅何人載酒過

輓高討翁

善人不得見吾道重欵歎薤露悲黃壤萬雲引素車夢
中山水宅身後子孫書更有詩名在風流小謝如

輓杜癯翁

死生固定理念子十年貧骨肉無消息兵戈傍故人老
來書飽蠹病久釜生塵對此成長別潛然淚滿巾

輓曹夫人

才美承家誠儀容重德門相夫惟樂善教子復貽孫避
世謀多順賙鄉義獨存儉勤誰得似事徃不堪論

老子通家契夫人誼久知化成鄒魯俗學到召周詩婉
靖居勤日雍容處難時趨庭娛晚景恨不見齊眉

輓文遜志學士

缺水雲萍會燕州風雪間百年槐夢覺萬里板輿還名喜東山起官憐北院閒直嗟飛驛遠朝霧暗秦闕

輓申屠御史

最說乘驄久誰憐畏鵬同貧知爲宦體老見讀書功耆舊殘星曉光陰逝水東惟餘過庭學猶得振遺風

輓趙方塘學士

瓊林身蚤貴槐國夢空存慷慨來南服從容候北門禮行殷士裸書上賈生言萬里迎歸旋山靈亦斷魂

逢君談往事令我憶當時江海思家遠風沙策馬遲直
嗟遺老在應有故人知已矣今無憾哀榮感此詩

輓吳饒國公

族望三吳重官資一品榮人知生子貴世比學仙成達
德居全福高年享盛名螭碑新賜額文采映玄瑩
季子觀周禮番君啓漢封世家千載紹時代一朝逢國
祚傳青史仙遊伴赤松高門照鄉里奕奕亢吳宗

輓徐處士


坐憶人如玉，南州遺舊居。
晨星前輩少，夜月故交疎。
冕世間夢兒孫，身後書蔡碑。
應不愧讀罷，重歎歎。

題孔昭祖高繼淵二君友序後

喜說通家舊，何如共署新。
協恭知道要，忠告見情真。
雅什傳同黨，高懷慕古人。
谷風今已遠，澆俗可還淳。

題京學所壁

喜見京庠作堂堂，像素王考工。
彰絕藝施采耀，靈光配從儀。
刑肅尊崇典秩常，經營出心匠。
名託祀俱長。



雲林集卷四

欽定四庫全書

集部

雲林集卷五

詳校官中書臣李形

侍讀臣孫球覆勘

總校官編修臣王燕綺

校對官編修臣吳壽昌

謄錄監生臣周云翮

欽定四庫全書

雲林集卷五

元貢奎撰

無題

馳道塵香逐玉珂
彤樓花暖弄雲和
春風漸綠瀛洲草
細雨微生太液波
月樹管弦鳴曙早
水亭簾幕受寒多
少年易動傷春感
喚取佳人對酒歌

立秋日留陽墅菴

林陰欹枕午雞啼薄夢驚回蓋已迷漠漠蒼烟杉一徑
粼粼碧浪稻千畦龍湫賸救年來旱虎跡新行雨後蹄
自表瀧岡何日事傷心淚洒夕陽西

郊行

馬上看山山不盡客中行路路偏長叢祠社散羣鳥啄
層漢秋高數鴈翔疎雨著人綺袖濕微風吹面稻禾香
迴崗偶憇幽塘上顛倒松陰百尺強

寄朝省諸公

太平開治急需賢
除目新從驛
騎傳天遠斗牛南
紀外地高車馬北
辰邊文章未盡諸
公學人物端爲一代全
令際定超貞觀盛
四方豐稔會書年

久留翰院思歸

日日思歸未有期
夢魂幾度遙
園池白雲滿地山深處
紅日當檐雪霽時
竹外板輿春步小
花間銀燭夜迢迢
好將烏鵲頻占喜
便買歸舟泛碧漪

寄張芳洲

客裏秋風厭道途
歸來決策侶樵漁
知心白石烟霞在
滿眼青山故舊疎
畏熱還思親枕簟
愛閒應媿負琴書
麻姑池上花如錦
何日相過駕短車

舟過湖州

樓臺金碧照嵯峨
故國諸公奈樂何
遼鶴歸來城郭在
海鷗飛處水雲多
春迴廢苑花生新
發愁滿空船客自過
回首蒹葭三十里
天風落日斷漁歌

得家書

睡起相思勞寸心捲簾無語立檐陰故人千里碧雲合
斜日半川紅樹深江鴈忽傳秋後信隴梅應待雪中尋
天涯奔走成何事輸與寒窓抱膝吟

通州道中

萬雉參差雲霧開四千里外客重來平岡日出車牛喘
古道塵飛驛騎回白玉至今傳楚璞黃金自古說燕臺
高樓紅旆應如昨莫遣新愁到酒盃

懷胡則大

疎林日暮雨潛潛睡起秋聲滿樹間高閣捲簾人北望
短帆隨鴈客南還樓遲自覺身全懶憂患潛驚鬢欲斑
應有山靈迴俗駕不妨長日掩雲關

餞王敬叔

十年湖海一尊同醉裏那知鬢欲翁投轄不緣今日雨
論文未減昔人風春隨流水三分盡酒重交情百罰空
莫道雙溪堪舉棹片雲來往敬亭東

送胡則大赴宣州學正

小謝樓高宛句傍一榦分坐任淒涼休如鄭老嗟官舍
好似并州作故鄉俸薄儘供妻子累身間不受簡書忙
評詩應到城南宅千樹春風雪正香

贈無菴沈相師

其人百
又二歲

喜見人間百歲翁青鞋藜杖步如風一庵無處知身幻
四海行來覺眼空論相又看新進士挑詩多識舊名公
承平往事誰知得閒聽高談夢寐同

杜仲悅知事庭桂產芝

庭桂婆娑兀老蒼秋風忽見紫芝房九莖同作月中影
一樹交浮雲外香飢茹未輸商四皓芳傳應比竇諸郎
寄生不似凌霄蔓空附喬松百尺強

試院秋日即事

薄遊早覺鬢毛蒼病怯西風夜更長官冷久無金馬夢
院深惟有木樨香歸舟欲解天如水故友難忘客思鄉
試問宋郎愁幾許鴈聲何處起滄浪

寺丞公索賦鶴雛

楚楚玄裳映縞衣長身漸見頂丹微未乘遼海秋風去
應待綠山夜月歸珠箔小開頻飲啄玉琴閒弄學鳴飛
主人馴養情方狎莫似鷗盟海上機

五月三日出城南書所見

短衣出郭暑風清袞袞西山晚日明密樹藏村疑斷徑
小橋分市識荒城碧涵波暈隨魚沒白隱沙痕逐馬生
到眼天機無解處亂鴉欲息更縱橫

送汪叔志

故家曾忝父兄交珍重才名出我曹萬里高風書薦鶻
三年滄海釣連鰲春晴馬踏燕山雪歲晚舟開楚岸濤
慙媿乍歸還遠別一尊恨不到亭臯

邳州

荒城十載路重經暫艤扁舟坐驛亭春到梅花何處白
雪晴山色向人青驚心家遠書難寄迎面風寒酒易醒
莫憶牽衣兒女態曉猿夜鶴笑林局

送謝明遠之官平江

碧波千頃照姑蘇
目送危檣數幅蒲
古寺雲遮丘卧虎
荒臺葉落夜啼鳥
黑頭清鏡來
勲業綠幕深衣入
畫圖暇日過游新
得句秋風應寄故山廬

送汪叔志之南安

繞郭清溪帶路長
衝寒極目送危檣
水涯梅柳傳春信
雪後樓臺照夕陽
杜牧吟邊山鳥去
謝公行處石苔蒼
碧雲暮合天無際
回首相思欲斷腸

采石磯

斷磯江上碧嶙峋
漠漠蘆花轉岸瀨
舟小風微猶勝馬
山高石立宛如人
羨渠釣艇滄波闊
老我征途白髮新
寂寞蛾眉在天際
遠烟青處晚雙顰

惠安橋

潯陽山水壯南州
千尺飛梁連去郵
蛟鷁翻濤聲吼夜
虹蜺分雨氣橫秋
險疑雲棧通車馬
高比銀河挾女牛
鉅萬功成書太史
絕勝舟楫濟中流

送馬伯庸學士赴上都

人間六月沸炎波上國清涼樂事多
視草舊傳真學士
散花新起病維摩千年結友心相似
萬里辭家意若何
料想勝遊偏得句秋風先寄鴈南過

過河西務

兩年衣袂撲京塵出郭青山照眼新
食祿無功酬聖主
棄官歸隱奉慈親交游此別三千里
衰病今逾五十春
自笑虛名成底事閉門何恨著書貧

題宋梅洞獻書圖

十年送別今同客一笑談詩重起予周禮盛聞殷士裸
漢庭喜見伏生書青燈較藝飛蛾集白髮離家過鴈疎
塚壁殘文如可續百篇應許論虞初

送師道姪赴太常奉禮并寄勉師泰

江浦風帆拂翠微官程日日去如飛容臺晝靜花明珮
玉禁春深柳染衣隨直定知車北上思親莫忘鴈南歸
青雲故友應相問爲說烟蓑老釣磯

四月含桃喜薦新紫衣贊禮屬芳辰官稱猶是青囊物

老大潛驚白髮人客久蠶鹽憐汝弟病多藥石愧吾身
小胞風雨連牀夜記取挑燈莫厭頻

司業李公哀輓

山立庭紳聳衆觀名高真不愧儒冠文章清廟藏琛玉
勲業烏臺振羽翰譽重朝端知有子貧憐身後似無官
百年耆舊凋零盡展卷哀辭忍淚看

題叔父房壁而歸時年十二歲

君子雖窮道未窮舉頭長是問蒼穹文章冠世知音少

志氣填胸吐談雄山淺豈能藏虎豹水深方可著蛟龍
此身聽有雲霄便整頓鴻毛待順風

輓張天師

三乘鶴駕去朝天際會風雲豈偶然丹詔大元天子命
玉符西漢祖師傳名馳異國三千里孝盡慈闡十九年
不是鑑齋歸去早紫薇宮裏欠真仙

題大石資聖寺

倦策羸驥偶暫停坐憐幽樹蔭虛庭瓶花綠底蜂知聖

簷日紅邊鵠喜靈掃壁雲生題罷句敞窓風捲讀殘經

相逢欲問前朝事惟有孤僧鬢影星

送管濟齋歸廣信

余時亦歸宣城

璧水蜚聲譽斯人借範模鄭虔特未遇顏子本非愚魯
泮百年盛陶家三徑蕪酒闌疎岸柳舟淺棹汀蒲廣信
山遊定敬亭雲去孤驪駒歌唱淚鴻燕恨殊途重約相
逢日秋風滿荻蘆

送高羅谷學正

職教斯文重需才士論齊襟期同鄭老德業近昌黎上
考纔書滿歸程又指西鴈聲寒水落雪意暮雲低白髮
窮詩句青山入杖藜未應甘寂寞有約在提撕萬里中
原路春風送馬蹄

賦牡丹 得千字

曲檻春如錦晴開曉日妍樹搖風影亂枝滴露光
圓玉佩停湘女金盤拱漢仙翠填宮鬢巧黃染御
袍鮮力費青工造名隨綺語傳細銅層擁鶴弱翅

獨迎蟬倚竹成雙立留華任衆先久看心已倦欲折意
還憐洛譜今存幾吳園路憶千可應頻載酒相與醉
華年

次王士容經歷賦廣東二十韻

巨鎮雄江表炎州介嶺巔通津波險涉接驛路高緣土
貢來遐遠輿圖按末顛獷民疲鬪蟻狡吏攫飢鷁蠱念
山多瘴蒙知地出泉黃浮烏影淡紅葦蜃光連石老苔
成蘚厓陰筍作鞭翠屏開近嶂素練香迴川禽弄千般

巧花分四序妍九重嚴政治六轡選時賢喜際風雲會
同沾雨露天勝談蓮幕內妙句藥階前苦味檳榔好清
香荔子懸罕逢苑北馬富聚海南船古跡荒城碣晴炊
野墅烟行經韓子竄蠻恥越王偏賈客財常萬僧尼寺
或千整緜冬亦爾乘轎俗依然人物生唐相儒風盛孔
編快心時小憇過眼境頻遷發興超言外銷愁向酒邊
入朝應報最何得賦歸田

慶詹得之母八十

聖代昭倫紀民瞻孝治原玉樞環北極寶婺映東垣八
袞躋年盛諸郎慶衍蕃飭躬嚴恭節脩祀潔蘋繁孟母
機頻斷黃童被久溫顯揚沾雨露定省竭晨昏穆穆齊
閨闥崇崇肅里門萃珍供燕席舞綵奏魚軒樂此遺風
在居然古義存升堂定何日春酒綠浮罇

和曹繼清高士止酒詩

久困城中役聊登野外堂路迥知蹟倦境靜覺聲揚揖
罷佩簪集坐來燈燭張會交求友勝憒客喜童忙別業

憐花竹行厨載糗糧仙宗思厭世道派貴流芳子建才
偏逸知章興豈狂誓醒秋似水制飲介如霜政爾慚吾
下居然置汝旁病身惟可飲少日漫能觴朗讀驚詩險
高談愜漏長贈無青玉案攬見紫霓裳尊俎宜陳雅刀
圭頓許良閑鷗飛有處鳴鶴起何方裊裊煙爐暝霏霏
碾茗香眉顰嗤做效袖舞笑郎當漣酪忻新嗜蒲萄愛
屢嘗行吟懷楚屈真樂尚陶唐偶出邀同宿微暄定稍
涼重交金石比此道莫相忘

題虞少監小像

岩壑高堂上烟霞眼底清向來曾寄迹老去未忘情茆屋蒼林掩藤崖白道縈遠峯雲際直孤嶂水邊橫宿雨分濃澹斜陽閃晦明折梅驚雪墜倚竹待風生嶺斷炊烟補沙迴甃岸傾雜花浮野意飛瀑送溪聲婦餽忻鳩喚兒耕感犧鳴攬衣隨處坐曳杖有時行拄笏曾招爽投簪每懼盈他年著書樂應不愧虞卿

舟宿荻港

冉冉秋雲暮衝寒買去船長江瀉吳楚故國澹風烟日
暗蘆翻雪磯危浪拍天蛟罿潛暗壑鷹起平川虎飲
沙遺迹龍歸窟濩岸崩懸老樹山暗失層巔靈廟森
長戟奔灘抱古壘漁家罾網集商舶鼓鉦闌登覽誰無
恐漂零客有篇浮生行役苦即合卧林泉

壽闇承旨

寶運傳新紀孤門屆令辰時方恢聖域天與壽元臣瑞
鵠融金馬祥飈動玉麟譽隆超古昔學富貫天人屹立

中流柱深懷間世珍岱宗蟠德器斗柄挈文鈞謙德同
韋布嚴模肅縉紳育材期自樂化俗使能淳鯨力開溟
漲鰲程負嶽嶧高明南極映清淨太微鄰席煖居常燕
珂鳴步若循漢庭生羽翼唐閣美絲綸班馬侔今代韓
歐儼後身音希韶鳳日詞絢綺霞旻直筆書青史端衷
達紫宸貶褒千載重寵渥一時新蓮燭分光爛宮壺賜
味醇博搜遺野士嚴舉案察賓空冀端知駿餘波可縱
鱗作霖應疊晚四海喜沾均

雲林集卷五

欽定四庫全書

雲林集卷六

元貢奎撰

題梅聖俞千越亭

詩還二百年來作身死三千里外官知己若論歐永叔
退之猶自愧郊寒

弔古戰場

陰雲羃羃獸亡羣百世英雄有幾存魏戰吳爭俱醉夢

惟聞新鬼泣黃昏

題趙子昂黃庭經

瑤林春草碧烟浮金鑰玄泉冷浸秋不用刀圭生羽翼
道人經罷上瀛洲

秋日憇龍山玄真宮

太行西去幾千里滄海東橫第一關獨上高臺閒眺望
碧天無際暮雲閒

送高羅谷學正

大鵬擊海六月息老鵠摩空萬里秋一脉斯文扶盛世
千年人物壯南州

巨儒小試功名手大雅終爲廊廟材萬里雲霄雙眼豁
片帆烟浪一時開

新店

五月八日見上都是日
袁伯長方南歸測上

雨餘山色翠蛟翔獨上高樓愛晚涼迴首河橋分別處
故人有句落歸航

槍竿嶺

百折迴岡勢欲迷舉頭山市與雲齊經行絕似江南路
落日青林杜宇啼

李陵臺次韻賜學士

青山繞驛客重來十里羸駿首重迴今古李陵悲絕處
夕陽野牧下荒臺

緘裘風雨據鞍來應是吟腸日九迴太史山川今更遠
望鄉莫上最高臺

深院故人時自來午窓幽夢幾驚迴鉤天宴罷看歸馬

一曲簫聲落鳳臺

出郭五絕

風雨入春連一月新晴出郭野光浮東君有意應憐客
特地留華待遠遊

西湖如玉柳如絲歌徹樓船醉不辭華髮總非前日事
風流只解費吟思

古寺春寒客到稀山門風過野棠飛停車眼界疑曾到
細問人家却盡非

水竹亭池十畝間當時誰似故園閒無端久客章江上
却羨孤雲得往還

村南布穀聲中雨溪上桃花別後春隨處踏歌隨處酒
相思應說異鄉人

上藍寺

在洪城內乃馬祖道場

古寺迴廊雪滿階官閑因訪老僧來上方晴日檐聲響
絕愛小窓臨竹開

驪山宮圖

玉殿朱廊萬折分畫工
精似史官文溫泉不洗當年恥
猶向岩阿氣吐雲

九成宮圖

翠獻摩雲絳闕開隋皇
簾罷后嬪來誰知留與開元樂
迴首漁陽不盡哀

試院和史參政韻

上國衣冠待漏殘翠蓬
雲霧鎖雕闌紫薇花近東庭栢
暇日鑾坡許共看

深院梨花似雪殘春寒向晚怯凭闌流鶯却愛清陰好
飛上高枝與客看

題扇

錦簇樓臺翠疊山蓬萊鬢靄在人寰當時扇影涼如水
展卷驚心似夢間

送胡務本秀才往上京

諸生立館正爾樂千里乘車亦偶然曾見貂裘蘇季子
古今窮達不須憐

近郊遠阜草茸茸寶騎檀廬到處同六月天寒猶挾纊
布袍莫遣犯秋風

四方行役功名志萬里相逢父子親聞道歸舟詩滿帙
錦帆高映綵衣新

題與屯滄江憲使所藏八駿圖

聳翩八駿下雲關誰識神馳咫尺間萬里漢陽春草碧
可能無意到天闊

贈叱石道者

山頭蒼石化羊身俗眼誰分幻與真欲覓遺蹤不知處
畫圖好贈學仙人

贈相士

雙瞳如月氣如霞江海相逢去路賒相我不妨君自相
青雲舉步重年華

偶書

棄官歸卧故山廬九袞慈親萬卷書窮達從來此爲樂
人生更欲問何如

贈相士周神眼

雨笠烟蓑理釣船
相逢未許斷塵緣
憐君縱有如神眼
笑我終無使鬼錢

拂衣歸去行行別
握手相期語語真
軒冕自知身外物
江湖誰信眼中神

賦作竹石贈陳周卿

蜀山西來萬餘里
歲晚憐君雙脚行
布袍稜層政飢餓
一笑酒酣芒角生

小龍團送袁伯長

金井泉深薦枕香百年槐國夢滄涼殷勤爲贈維摩病
不是囊中別試方

題清溪圖

曲曲溪流似武夷定林千載竟誰知重來不負山川勝
袖手風烟欲暮時

溪上桃花山下舟六朝遺事寄東流春風無限關情處
猿鶴依然識舊遊

舟中偶成

稻花水落正魚肥
湖上孤雲帶雨歸
林影倒涵波鏡動
白鷗低傍釣船飛

次袁伯長食河鮀詩韻

南歸

茅茲青青長荻蘆
河豚風味浙江如
鼎羹正自煩烹手
笑殺行人却羨魚

荻芽清軟芼薑菘
腴腹披香玉乳同
直死端爲知味者
平生珍重雪堂翁

楊花宛水漫肥鯿
古柏荒祠憶舊篇
莫遣清名供世味
百年江海意悠然

怒睛膨腹氣含靈
觸物浮波念性成
胚禍已知烹有法
沒身空恨未能平

次袁伯長惠瓊花露酒詩韻

激激深樽到底清
月光花影正分明
道人無限憐春意
夢斷玉簫吹五城

維揚城裏花名酒
對酒却思華盛時
一笑東風八仙處

月輪空掛最高枝

十年風雨揚州路
祇許三生杜牧來
底事扁舟方卧雪
也教魂夢到陽臺

梁山樂次袁伯長韻

積水平蕪渺沒間
夕陽漁市網如山
扁舟却逐孤雲去
得似鳬翁照影閒

帖帖汀荷望眼平
微風疎雨葉香清
令人忽憶西湖曲
碧蓋紅粧短棹橫

穹廬已拆羊馬稀水釣欲收鷹鵠飛日暮津頭哭聲慘
誰家區脫冷無衣

烟波莽莽不知程一髮青山天際生曾是歸人舊行路
等閒迴首若爲情

揚州贈危功遠

青山遶屋竹當門四月江南煮酒尊日暮扁舟呼不住
一溪新雨水初渾

洞庭廬阜氣橫分消得孤舟棹水雲千里楚江東畔客

別來風雨不堪聞

過廣德

黃塵鞍馬夕陽邊不到桐川十二年萬事只多新白髮
虛名何日賦歸田

偶成

激激橫塘柳四圍雨餘來着綠陰肥燕翎拂處波如縠
半幅深紅漾落暉

夜况

北風塵海萬波迴
夜半西窓勢欲摧
夢覺恍然超色界
殘燈炯炯妙蓮開

次胡則大秋日韻

白水黃雲糴種田
秋風肥啄愛披綿
知君耕釣無餘事
絕勝韋郎愧俸錢

泰定甲子春築亭以奉親扁曰愛日賦詩六絕

春静庭閒春草長
綵衣煜煜弄晴光
慈顏微飲紅如玉
聽徹鶯歌扇影涼

磚影千金一刻遲春風滿意樂期頤玉堂蓮炬光浮夜
補報君恩自有時

華簇闌干柳拂簷深春時節雨纖纖晚霞又報明朝霽
萬縷紅光半捲簾

微官拋却買歸船九十慈親五世全且把菜衣當金紫
人間富貴說長年

樹蓋華裯曲逕環板輿疑在畫圖間九衢車馬衝塵去
載酒誰同一日閒

山禽哺子竹生孫手種梅花雪擁門草色滿庭春不老
東風吹綠灑芳尊

題趙平遠盧疎齋小像

烏紗白苧兩夫人我昔從遊意最親江海文章千載會
風流畫史爲傳真

海天雲暗涿州山湘水春寒玉樹殘惆悵百年曾幾見
神交鬢鬚畫圖間

春日呈池州郡守陳秋岡

翠微亭下獨遊時腸斷風流杜牧之寂寞年來有遺事
江山分得使君詩

寄族叔可齋

當時竹林天下樂誤我諸公喚起狂已料此行歸計決
不妨同醉笑山王

寄兄堅齋

長江東下四百里路過青山小謝家歸人爲報難兄道
好買扁舟看九華

寄弟仲實

獨鴈離羣咷晚天亂愁隨爾沒寒烟短篷飽受長江景
消得題詩寄惠連

池州郡齋除夜寄呈家君

郡齋寥落夜無眠紙帳青燈思悄然不是今生惜今夕
却緣明日是明年

鄰家簫鼓欲忘眠莫恨空軒獨悄然明日春風堪一笑
癡兒官事了三年

贈寫真者瓊壺

酒病詩愁瘦損神一官容易遂閒身相逢且束丹青手
只把梅花寫我真

寄友人

別日苦多會日少平生知己最傷神王郎玉樹東風外
只對梅花思若人

夏夜

夜半酷熱呼李生落月滿窓槐影橫披衣出戶坐磈礧

置身安得永壺清

病中三絕

維摩方丈病來身藥裹堆林獨與親若使無生真可悟

瘦容寧怯鏡中塵

流塵寂寂手支頤坐翰西窓日影移轉覺吟詩妨道趣
倦來惟與睡相宜

門鎖閒雲一徑深蕭蕭藤蔓挂牆陰風霜未覺黃花老
時有幽香得細尋

題停舟望月圖

江頭突兀斷崖傾古樹蕭蕭短棹橫明日美風行萬里
坐看落月待潮生

贈雲心翁

萬里孤雲去未還相思斜日照青山定知觸處從龍起
不似當時出岫間

贈潘伯潤

山中相見可人語江上歸來遊子情二月柴門漲春雨

桃花風急嫩寒生

滿屋堆書不療飢十年回首蠹魚知
因君欲問談星術政自歸耕有定時

題郭西鐵佛寺

鐵佛鑄成應入計崖碑讀盡亦空名茫茫大夢誰先覺
趺坐無言聽竹聲

同張所翁訪吳芝田書其壁

東風吹斷玉爐烟一卷黃庭伴晝眠日落天低碧雲合

昂昂雙鶴下芝田

秋夜

空牀坐對一燈青
手擊蒲團醉欲醒
夜半竹風如雨過
起看明月步中庭

贈拙訥子

辯口懸河巧鏤冰
人間機禍政須懲
若人真得忘言趣
裹手從渠笑不能

湖州南橋書所見

郎上孤舟妾自歸
斷橋烟水護斜暉
空留滿面啼痕在
看得湖天鴈鴈飛

從兄九萬餽魚并贈以詩用韻謝之

一幅飛帆帶雨時
千年張翰故鄉思
縷銀斫鱠松江味
好趁西風理釣絲

池州別胡則大

秋浦蕭條雨雪時
一尊酒盡又相離
故人不得同舟去
迴首青山忍寄詩

寄朱克齋

春風杖屢雪窓書幾度陪君樂有餘別後相思重回首
扁舟應到野人居

望池州山

少年江上一官閒老去重來似夢間欲覓故人行樂處
白雲遮盡九華山

偶書

驟風疎雨截殘暉雲挾青山勢欲飛寂寞小亭人不到

掃華眠石玩天機

題畫

弁山晴雪照平川暫展新圖亦爽然欲買扁舟乘興去
不知何處是梅泉

題趙子昂所畫牧馬圖

霧鬢雲鬃出帝闕誰將圖畫落人間奚官飽牧無餘事
獨立春風憶華山

洪林道中別凌德庸

老子真成袖手閒歸來滿意在江山他時此地留佳話

曾入經行杖屢間

慈湖磯

碧蘿交蔓絡崖陰潭底潛蛟萬仞深今古江流推不去
濕雲長護最高岑

采石艤舟見葵花

軒窓臨水綠陰清燈燃紫葵傾午晴困坐短篷三十日

坐令雙眼一時明

宿古柳墅旦起買舟新濟

疏星澹月五更寒萬轍躚躚宿霧漫一陣好風吹晚霽
買舟饒得衆山看

題倪氏今是亭

萬里歸來獨倚闌一川風浪白鷗閒釣船怕作機心看
笑撥斜陽短棹還

題孝猿圖

烟蘿擁翠月沉規母挈兒攀不自離一夜孤號無覓處

斷腸如聽峽江時

題梅溪深處

古寺西邊望眼平
人家何處
斷橋橫
東風幾
樹
溪頭雪
獨鶴歸來晚
正晴

題三徑圖

一溪流水數峰雲
茅屋蕭蕭石路分
安得買舟江海上
抱琴沽酒遠尋君

題扇

花禁春遊玉輦遲君恩同載妾深辭娉婷團扇秋風底
猶似增成寵幸時

定齋

綠陰清晝小窓閒一縷爐烟棐几間要識先生參道處
待將心迹靜如山

畫馬圖

天廬雙龍產絕奇奚官牽浴晚涼時雲鬃霧鬢今何在
惟有風流畫史知

題百鴈圖

雖難賓鴈落沙洲
瑟瑟寒蘆染素秋
誰遣畫圖分百態
坐看渾似倚扁舟

春早

病怯春寒睡起遲
雨聲一夜漲青池
梅花吹落無人管
却似階前雪舞時

謙上人

眼光炯炯貌堂堂
坐閱流年九十強
愛我官閒時一到

忘機曾不下禪床

西寺廊深日射塵維摩方丈無鄰微風盡卷飛花去
半敞東窓映綠筠

寄徐檢校

時徐在
江西省

客居病似相如苦官况高同孺子閒會府羣公爭下榻
未緣拄笏看西山

題墨蒲萄

睡起虛庭眼欲迷瘦藤疎葉影交加西風滿架涼生夜

顆顆懸珠映月華

送周善長憲使

治郡分符歲未深已多遺愛在棠陰顛厓應更蒼生苦
却汲西江向桂林

廊廟端知舊縉紳喜教華髮綉衣新扁舟莫便輕歸去
江海如公有幾人

題柱笏亭

柱笏當時事亦奇風流未許俗人知如何得似亭中客

日日看山無厭時

過魏氏菴

驟雨新晴日已西涼風迎面過山蹊遙看萬仞青林上
雪點紛紛白鶩栖

題畫

若人方外縱遊遨冠袂翩然意亦豪一曲天風牛背笛

碧雲如洗月輪高

贈懶耕道者

蓑笠高懸屋角明樹陰黃犧卧春晴矮窓抱膝閒無事
獻聽東郊布穀鳴

次韻寄王提舉

院落深沉睡覺時敲門誰問子雲奇興來得句清人意
起向芭蕉葉上題

紫烟蒼嶠住神仙官騎應行縹渺邊老我緇塵慚未去
只輸樵牧占長年

贈碧湖相士

短篷欹枕看晴波照眼青銅鏡始磨一色晚秋三萬頃
徃年猶覺片雲多

贈駙馬楊中齋墨竹

富貴功名無復聞百年蹤跡等浮雲空留文采令人羨
節操何能似此君

寄報國寺訴笑隱

夕陽丹鳳去無還沙尾潮平古渡閒萬里蒼梧雲接海
倚闌遙看越中山

江海無端客路長扁舟明日棹滄浪遙知風雨溪窓夜
夢逐潮聲到上方

贈李一菴相士

鰲峰握手正秋晴江樹東邊野色平萬里青雲浮鴈背
一菴高處眼偏明

絕句

紛紛愁思奈渠何苦比遊絲緒更多惟有小窓春睡好
等閒魂夢過關河

山雨鳴蓬鴈落沙新寒先到野人家病來誰似愁容瘦
霜樹蕭疎丙鬢華

雲鏡亭

晚日悠悠出岫遲一奩清影落秋池客來欲看閒舒坐
卷待微風已定時

寄周儀之

病來眼暗不識路坐憶城南尺五天安得相邀飲一斗
醉聽鶯燕語流年

紡績圖

婦女紡績夜闌時月落車寒手轉遲應愧西隣歌舞散酒酣春夢繞深帷

題胡古愚京華雜詠卷

心繫碧落蛛絲巧手鑄黃金象冶精白日若須生羽翼丹砂九轉始功成

金莖露落蟬新蛻銀漢風清鶴自鳴一點神機千古意坐看微月向東生

題畫

萬山高下亂雲飛一逕縈紆入翠微絕似向來行樂處
詩成空憶謝玄暉

一齋

齋居春靜氣氤氳古鼎香生萬縷雲參到天心初畫處
始知造化此中分

雪意二絕寄鎔集卿

欲陰不陰雲擁樹待歸未歸人倚門無數烏鵲栖又起

飛來飛去到黃昏

雲雪天時醞釀深昏昏凍日下疎林如何畫得江山景
持向詩人著意吟

二月十二日達通州水始開舟適先至

河冰初解水如天萬里南來第一船徹夜好風吹曉霽
舉頭紅日五雲邊

題梅

的皪精神傍水枝一齊收拾入新詩莫教疎影橫斜處

只許林逋獨自知



雲林集卷六